

ԶԵՅՔՈՒՆԻ ԱՊՍՏԱՄԲՈՒԹՅԱՆ 100-ԱՄՅԱԿԻՆ ՆՎԻՐՎԱԾ ԳԻՏԱԿԱՆ ՆԻՍՏ

Քուրթական բունակալության դեմ հայ ժողովրդի մղած ազատագրական շարժման փառավոր լքերից մեկին՝ 1862 թ. Զեյթունի հերոսամարտին էր նվիրված Հայկական ՍՍՌ Գիտությունների ակադեմիայի Պատմության ինստիտուտի գիտական նիստը ս/թ հոկտեմբերի 5-ին:

Բաց անկում նիստը, Հայկական ՍՍՌ Գիտությունների ակադեմիայի պրեզիդենտ, ակադեմիկոս Վ. Համբարձումյանը ասաց.

— Որքան էլ ողորդական է հղել Զեյթունի հետագա սեփական պատմությունը, այնուամենայնիվ 1862 թ. ապստամբության հաղթանակը արյարացիորեն դիտվում է որպես հայ ժողովրդի պատմության կարևորագույն և ուրախալի փաստերից մեկը: Այդ հաղթանակը հայ աշխատավոր զանգվածներին նոր հույս և վստահություն ներշնչեց, բարձրացրեց հայ ժողովրդի ազգային ինքնազիտակցությունը:

Զեյթունի աշխատավոր ժողովրդի արյունը իդուր չի թափվել: Զեյթունցիների պայքարը՝ անուն ազատության և մարդկային պատվաբանության խաղացել է իր կարևոր դերը հայ աշխատավորության հեղափոխական զիտակցության զարգացման գործում: Այսօր Մովսեսական Հայաստանը գտնվում է անհախընթաց վերելքի ճանապարհին: Նա երբեք չի մոռանում անցյալի ազատագրական պայքարի րաջ հերոսներին: Զի մոռանում նաև Զեյթունի քաջերին:

Բացման խոսքից հետո «Զեյթունի 1862 թ. հերոսամարտը» թիմայով ղեկուցում կարդաց Հայկական ՍՍՌ ԳԱ ակադեմիկոս Մ. Ներսիսյանը:

Զեկուցման սկզբում նա հանդամանորեն կանգ առավ ապստամբությունը սկսվելու պարագաների վրա: Խոսելով Քուրթական բունակալության տակ հեծող Զեյթունցիների, Հերցեգովինայում և Ռուդարիայում 19-րդ դարի կեսին Օսմանյան կայսրության դեմ ծավալված ազգային-ազատագրական շարժման նոր վերելքի մասին, ղեկուցողը նշեց, որ սուլթանական կառավարությունը լրջորեն վախենում էր հայ լեռնցիների ազգային-ազատագրական շարժումից և նախապատրաստություններ էր տեսնում այդ շարժումը ճնշելու համար:

Նշելով, որ Մարաշի կառավարիչ Աղիյ փաշայի կողմից 1862 թվականի հուլիսին Զեյթունի պաշարումը և նրա շրջակայքի հայկական գյուղերը սրի ու հրի մատենելը վաղորդեց նախապատրաստված է հղել Քուրթական կառավարության կողմից, ղեկուցողը հիմնականում կանգ առավ 1862 թ. օգոստոսի 2-ի հերոսամարտի վրա, երբ Զեյթունի ողջ բնակչությունը վճռական զորհի անցնելով ջախջախեց ու փախուստի մատենեց Աղիյ փաշայի հսկայական բանակը:

Առարկելով այն կարծիքներին, թե իբր Զեյթունի ապստամբությունը պարտությամբ վերջացավ, քանի որ ղեյթունցիները համաձայնեցին հարկեր վճարել օսմանյան կառավարությանը, ղեկուցողը նշում է, որ այն անշուշտ հաղթանակ էր, քանի որ Զեյթունի հայ բնակչությունը ոչնչացնելու սուլթանի որոշումը ձախողվեց:

Զեկուցողի կարծիքով, սուլթանական Քուրթիայի դեմ մղվող պայքարում Զեյթունի ապստամբությունը տարերային բնույթ չի կրել, այն կապված է հղել դեմոկրատական հոսանքների հետ և նրա նախապատրաստման ու ղեկավարմանը մասնակցել են արևմտահայ մտավորականության ներկայացուցիչները (Մ. Քաղվորյան, Մ. Պեշիկթաշլյան, Մերենց և ուրիշներ):

Խոսելով այն մասին, որ ապստամբությունը լայն արձագանք գտավ թե արևմտահայության և թե արևելահայության մեջ (Կ. Պոլիս, Թիֆլիս, Մոսկվա), ազդեց Մուշում, Վանում, Զարսանջակում, էրզրումում և այլուր սկսված ազատագրական շարժումների վրա, Մ. Ներսիսյանը նշում է, որ հայ իրականության մեջ դա առաջին անգամ էր, որ մի զավառում բռնկված շարժումը ստանում էր համազգային կերպարանք և դիտվում որպես հայ ժողովրդի ազգային-ազատագրական շարժման մի խոշոր երևույթ:

Զեկուցման մեջ խոսվեց նաև Զեյթունի ազատագրական շարժման նկատմամբ արևմտյան տերությունների և հատկապես անգլիական կառավարության թշնամական վերաբերմունքի մասին:

Պատմության դժվարին ուղիներով անցած բազմաշարժար հայ ժողովուրդը,—կորափակում է Մ. Ներսիսյանը,—իր հանգստությունը ստացավ միայն խորհրդային Հայաստանում, կորափակվեց ժողովուրդների բազմազգ ընտանիքում, երբ վերացավ դարեր շարունակ հայ ժողովրդի գլխին կախված բնաջնջման ու հալածանքի դամոկլյան սուրբ:

«Դրվագներ Զեյթունի հերոսամարտից» թեմայով զեկուցում կարդաց պատմական գիտությունների թեկնածու Վ. Մելիքսեթյանը:

Ամեն անգամ, երբ խոսք է բացվում հայ ժողովրդի ազատագրական պայքարի պատմության մասին,—ասում է նա,—մեր առջև նախ և առաջ ամբողջ հասակով ծառանում են քաջագուն զեյթունցիներն իրենց բարձրարժեք, անառիկ լեռներում:

Խոսելով օսմանյան Թուրքիայի բռնապետական կարգերի, բազմաթիվ ու բազմատեսակ ծանր հարկերի ու տուրքերի, իրավական նորմաների իսպառ բացակայության, քաղաքական և տրեստական դժնդակ պայմանների մասին, զեկուցողը այնուհետև նկարագրում է լեռնային Կիլիկիայի անառիկ գավառներից մեկի՝ Զեյթունի համայնքի ներքին կյանքը:

Զեյթունի նվաճման փորձեր,—շարունակում է զեկուցողը,—օսմանյան բռնակները կոտորել են տակավին 16-րդ դարի առաջին քսանամյակում, բայց խիզախ լեռնականները փակվելով կիրճերում ու անդնդախոր ձորերում, պաշտպանել են իրենց հայրենի հողը: Օսմանյան կառավարության կողմից Զեյթունի կիսաանկախ դրությունը վերացնելու նպատակով 18-րդ դարի վերջին—19-րդ դարի առաջին կեսին կատարված հարձակումների ժամանակ թուրքական կանոնավոր զորախմբերից և ոչ մեկին չհաջողվեց զրավել և ներքին ինքնավարությունից զրկել արծվարույն Զեյթունը:

Այնուհետև զեկուցողը խոսում է 1862 թ. օգոստոսի 1-ի և 2-ի ճակատամարտերում քաջագուն զեյթունցիների անօրինակ սխրագործությունների մասին, բերելով մի շարք անմոռաց զրվագներ՝ «Կոտորածի ձորի» ճակատամարտի, որտեղ ծուղակն ընկավ և գլխովին ջախջախվեց թշնամու մի ամբողջ զորաշուկատ, այնհեր ծերունի Գրիգոր Մարտիրոսյանի ջոկատի կողմից Աստվածածնա վանքի մատույցներում մղված կռիվները, 20-ամյա պատանի Մելիքսեթ Քասյանի հերոսագործությունը, որը ոգևորության աղբյուր է դառնում Մ. Պեշիկթաշլյանի հայրենասիրական սրտառուչ բանաստեղծությունների համար և այլն:

«Զեյթունի ապստամբության արձագանքները հայ իրականության մեջ» թեմայով հետաքրքրական զեկուցումով հանդես եկավ պատմական գիտությունների թեկնածու Հ. Ղազարյանը¹:

Նիստի վերջում հայրենասիրական ջերմ ելույթ ունեցավ Ուրուզվաշի Մոնտեփիդեո քաղաքի զեյթունցիների Հայրենակցական Միության ատենապետ Ա. Ահարոնյանը: Նա Հայաստանի ԳԱ Պատմության թանգարանին նվիրեց Զեյթունի համայնապատկերը, զեյթունցիների դրոշակ և մի սափոր:

Գիտական նիստի աշխույժ հետաքրքրություն էր առաջացրել մայրաքաղաքի գիտական հասարակայնության մեջ: Ակադեմիայի նիստերի լեկ-լեցուն դահլիճում ներկա էին նաև արտասահմանյան տարբեր երկրներից Հայաստանում հյուր գտնվող մեծ թվով հայեր և նրանք Նոր Զեյթուն արվարձանի բնակիչներ՝ քաղաքի զեյթունցիների հետնորդներ:

Վ. ՍԱՆԹՐՈՍՅԱՆ

¹ Հ. Ղազարյանի զեկուցումը տպվում է «Տեղեկագրի» սույն համարում: